

四庫全書

集部

欽定四庫全書

御定全唐詩卷九十六

沈佺期

立春日內出綵花應制

合殿春應早開箱綵預知花迎宸翰發葉待御筵披梅
訝香全少桃驚色頓移輕生承剪拂長伴萬年枝

晦日滌水應制

素滌接宸居青門盛祓除摘蘭喧鳳野浮藻溢龍渠苑

蝶飛殊懶宮鶯轉不疎星移天上入歌舞向儲胥

奉和洛陽翫雪應制

周王甲子旦漢后德陽宮灑瑞天庭裏驚春御苑中氛
氲生浩氣颯沓舞回風宸藻光盈尺賡歌樂歲豐

三日梨園侍宴

一作梨園
亭侍宴

九重馳道出三

一作
上

巳禊堂開畫鷁中流動青龍上苑

來野花飄御座河柳拂天杯日晚迎祥處笙鏞下帝臺

幸梨園亭觀打毬應制

今春芳苑遊接武上瓊樓宛轉縈香騎飄飄拂畫毬俯
身迎未落迴轡逐傍流祇為看花鳥時時誤失籌

九日臨渭亭侍宴應制得長字

御氣幸金方憑高薦羽觴魏文頌菊蕊漢武賜萸房

一作

囊秋變銅池色晴添銀樹光

一作去鶴留笙
吹歸鴻識舞行

年年重九

慶日月奉天長

歲夜安樂公主滿月侍宴

除夜子星回天孫滿月杯詠歌麟趾合蕭管鳳雛來歲

炬常然桂春盤預折梅聖皇千萬壽垂曉御樓開

一作明臺

安樂公主移入新宅

初聞衡漢來移住斗城隈錦帳迎風轉瓊筵拂霧開馬
香遺舊埒鳳吹統新臺為問沈冥子仙槎何處回

仙萼亭初成侍宴應制

山中氣色和宸賞第中過輦路披仙掌帷宮拂帝蘿泉
臨香澗落峰入翠雲多無異登玄圃東南望白河

送金城公主適西蕃應制

金榜扶丹掖銀河屬紫閣
那堪將鳳女還以嫁烏孫
玉就歌中怨珠辭掌上恩
西戎非我匹明主至公存

幸白鹿觀應制

紫鳳真人府斑龍太上家
天流芝蓋下山轉桂旗斜
聖藻垂寒露仙杯落晚霞
唯應閭王母桃作幾時花

洛陽道

九門開洛邑雙闕對河橋
白日青春道軒裳半下

一作夏

朝乘羊稚子看拾翠美人嬌
行樂歸恒晚香塵撲地遙

驄馬

西北五花驄來時道向東
四蹄碧玉片雙眼黃金瞳
鞍上留明月嘶間動朔風
借君馳沛艾一戰取雲中

銅雀臺

一作宋之問詩

昔年分鼎地今日望陵臺
一旦雄圖盡千秋遺令開
綺羅君不見歌舞妾空來
恩共漳河水東流無重回

長門怨

月皎風泠泠長門次掖庭
玉階聞墜葉羅幌見飛螢
清

露凝珠綴流塵下翠屏妾心君未察愁歎劇繁星

巫山高二首

一作宋之問詩

巫山峯十二合沓隱

一作環合象

昭回俯眺

一作聽

琵琶峽平

看雲雨臺古槎天外倚

一作落

瀑水日邊來何忍猿啼夜

荆王枕席開

神女向高唐巫山下夕陽裴回作行雨婉孌逐荆王電

影江前落雷聲峽外長霽雲無處所臺館晚蒼蒼

巫山高

巫山高不極，杳狀奇新暗。谷疑風雨陰，崖若鬼神月。

明三峽曙，潮滿九江春。為問陽臺客，應知入夢人。

此詩范攄

云佺期作，頌陶云張循作。

七夕

秋近雁行稀，天高鵲夜飛。妝成應懶織，今夕渡河歸。月皎宜穿線，風輕得曝衣。來時不可覺，神驗有光輝。

春閨

一本連後雜詩三首作雜詩四首

鐵馬三軍去，金閨二月還。邊愁離上國，春夢失陽關。池

水琉璃淨園花玳瑁斑
歲華空自擲憂思不勝顏

奉和聖製同皇太子遊慈恩寺應制

肅肅蓮花界
熒熒貝葉宮
金人來夢裏
白馬出城中
湧塔初從地
焚香欲遍空
天歌應春一作秋篇
非是為春風

和洛州康士曹庭芝望月有懷

一作康庭芝詩
一作宋之問詩

天使下西樓
光含萬象

一作里

秋臺前疑挂鏡簾

一作簾

外

似懸鉤
張尹將睂學班姬
取扇儔佳期
應借問為報在

刀頭

壽陽王花燭

一作宋之問詩

仙媛乘龍夕

一作日

天孫捧雁來可憐桃李樹更遶鳳皇

臺燭送香車入花臨寶扇開莫令銀箭

一作漏

曉為盡合

歡杯

隴頭水

隴山飛落葉隴雁度寒天愁見三秋水分為兩地泉西

流入羗郡

一作部

東下向秦川征客重回首肝腸空自憐

關山月

漢月生遼海，腫朧出半暉。
合昏玄菟郡，中夜白登圍。
暈落關山迴，光含霜霰微。
將軍聽曉角，戰馬欲南歸。

折楊柳

一作宋之問詩

玉窗朝日暎羅帳，春風吹拭淚。
攀楊柳長條，踈

一作宛又一作

西地垂白花飛，歷亂黃鳥思

一作度

參差妾自肝腸斷，傍

人那得知

梅花落

一作宋之問詩

鐵騎幾時回，金閨怨早梅。
雪寒

一作中

花已落，風暖葉應

開夕逐新春管香迎小歲杯盛

一作感

時何足貴書裏報

輪臺

紫駟馬

青玉紫駟鞍驕多影屢盤荷君能剪拂躑躅噴桑乾
足追奔易長鳴過賞難擬金一萬里霜露不辭寒

上之回

制書下闕右天子問回中壇墠經過遠威儀侍從雄黃
麾搖晝日青幘曳松風迴望甘泉道龍山隱漢宮

王昭君

一作宋之問詩

非君惜鸞殿非妾妬蛾眉
薄命由驕虜無情是畫師
嫁來胡地日不並漢宮時
心苦無聊賴何堪馬上辭

被試出塞

十年通大漠萬里出長平
寒日生戈劒陰雲拂旆旌
飢烏啼舊壘疲馬戀空城
辛苦臯蘭北胡霜損漢兵

牛女

一作宋之問詩

粉席秋期緩針樓別怨多
奔龍爭度日飛鵲亂填河
失

喜先臨鏡含羞未解羅誰能留夜色來夕倍還梭

雜詩三首

一本連前春閨
作雜詩四首

落葉驚秋婦高砧促暝機蜘蛛尋月度螢火傍人飛清
鏡紅埃入孤燈綠燭微怨啼能至曉獨自懶縫衣

妾家臨渭北春夢著遼西何苦朝鮮郡年年事鼓鼙燕
來紅壁語鶯向綠窗啼為許長相憶闌干玉筋齊

聞道黃龍戍

一作
花塞

頻年不解兵可憐閨裏月長在漢家

營少婦今春意良人昨夜情誰能將旗鼓一為取龍城

剪綵

宮女憐芳樹裁花競早榮
寒依刀尺盡春向綺羅生
弱蒂盤絲發香蕤結素成
纖枝幸不棄長就玉階傾

和中書侍郎楊再思春夜宿直

西禁青春滿南端皓月微
千廬宵駕合五夜曉鐘稀
星斗橫綸閣天河度瑣闌
煙光章奏裏紛向夕郎飛

和常州崔使君寒食夜

聞道清明近春闌向夕闌
行遊晝不厭風物夜宜看
斗

柄更初轉梅香暗裏殘無勞秉華燭晴月在南端

和崔正諫登秋日早朝

雞鳴朝謁滿露白禁門秋爽氣臨旌戟朝光暎冕旒河

宗來獻寶天子命焚裘獨負池

一作津

陽議言從建禮遊

答甯處州書

一作答甯處州報赦

書報天中赦人從海上聞九泉開白日六翮起一作奮青

雲質幸

一作命偶

恩先貸情孤枉未分自憐涇渭別誰與奏

明君

李舍人山園送龐邵

符傳有光輝
誼誼出帝畿
東隣借山水
南陌駐驂騑
握手涼風至
當歌秋日微
高檐去勿緩
人吏待霜威

送陸侍御餘慶北使

古人貴將命
之子出輜軒
受委當不辱
隨時敢贈言
朔途際遼海
春思繞轅轅
安得回白日
留歡盡綠樽

洛州蕭司兵謁兄還赴洛成禮

棠棣日光輝
高襟應序歸
來成鴻雁聚
去作鳳皇飛
細

草承輕傳驚花慘別衣灞亭春有酒岐路惜芬菲

餞高唐州詢

弱冠相知早中年不見多生涯在王事客

一作容

鬚鬢各蹉

跎良守初分岳嘉聲即潤河還從漢闕下傾耳聽中和

餞唐郎中洛陽令

一臺推往妙三史佇來修應宰鳧還集辭郎雉少留郊
筵乘落景亭傳理殘秋願以弦歌暇芝蘭想舊遊

樂城白鶴寺

碧海開龍藏青雲起雁堂潮聲迎

一作應

法鼓雨氣濕天

香樹接前山暗溪承瀑水涼無言謫居遠清淨得空王

遊少林寺

長歌遊寶地徙倚對珠林雁塔風霜

一作丹青

古龍池歲月

深紺園澄夕霽碧殿下秋陰歸路煙霞晚山蟬處處吟

嶽館

洞壑仙人館孤峰玉女臺空濛朝氣合窈窕夕陽開流
澗含輕雨虛巖應薄雷正逢鸞與鶴歌舞出天來

早發平昌

一作昌平島

解纜春風後鳴榔晚漲前
陽鳥出海樹雲雁下江煙積
氣衝長島浮光溢大川不能懷
魏闕心賞獨泠然

夜宿七盤嶺

獨遊千里外高卧七盤西
曉

一作山

月臨窗

一作牀

近天河

入戶低芳春平仲綠清夜子規啼
浮客空留聽
褒城聞曙雞

十三四

一本作十四

時嘗從巫峽過他日偶然有思

小度巫山峽荆南春欲分使君灘上草神女館前雲樹
悉江中見猿多天外聞別來如夢裏一想一氛氲

初達驩州

自昔聞銅柱行來向一年不知林邑地猶隔道明天雨
露何時及京華若個邊思君無限淚堪作日南泉

嶺表逢寒食

驩州風土
不作寒食

嶺外無

一本作
逢誤

寒食春來不見錫洛陽

一作
中

新甲子何

日是清明花柳爭朝發軒車滿路迎帝鄉遙可念腸斷

報親情

驩州南亭夜望

昨夜南亭望分明夢洛中
室家誰道別兒女案嘗同
忽覺猶言是沈思始悟空
肝腸餘幾寸拭淚坐春風

少遊荆湘因有是題

峴北焚蛟浦巴東射雉田
歲時宜楚俗耆舊在襄川
憶昨經過處離今二十年
因君訪生死相識幾人全

咸陽覽古

咸陽秦帝居千載坐盈虛
版築林光盡壇場雷聽疎
野橋疑望日山火類焚書
唯有驪峰在空聞厚塋餘

覽鏡

霏霏日搖蕙騷騷風灑蓮
時芳固相奪俗態豈恒堅
恍忽夜川裏蹉跎朝鏡前
紅顏與壯志太息此流年

題椰子樹

日南椰子樹香裊出風塵
叢生調一作雕

木首圓實櫝

一作

白榔身玉房九霄露碧葉四時春
不及塗林果移根隨

漢臣

同獄者歎獄中無燕

何許乘春燕多知辨夏臺三時欲併盡雙影未嘗來食
並嫌叢棘銜泥怯死灰不如黃雀語能雪冶長猜

則天門赦改年

聖人宥天下幽鑰動園狴六甲迎黃氣三元降紫泥籠
僮上西鼓振迅廣陽雞歌舞將金帛汪洋被遠黎

喜赦

去歲投荒客今春肆青歸律通幽谷暖盆舉太陽輝喜
氣迎冤氣青衣報白衣還將合浦葉俱向洛城飛

秦州薛都督挽詞

十里絳山幽千年汾水流碑傳門客建劔是故人留隴
樹烟含夕山門月對秋古來鐘鼎盛共盡一蒿邱

天官崔侍郎夫人盧氏挽歌

偕老言何謬香魂事永違潘魚從此隔陳鳳宛然飛埋
鏡泉中暗藏鎗地下微猶憑少君術彷彿覩容輝

章懷太子靖妃挽詞

彤史佳聲載青宮懿範留形將鸞鏡隱魂伴鳳笙遊送
馬嘶殘日新螢落晚秋不知蒿里曙空見隴雲愁

奉和立春遊苑迎春

東郊暫轉迎春仗上苑初飛行慶杯風射蛟

初學記作狐

冰

千片斷氣衝魚鑰九闕開林中覓草纔生蕙殿裏爭花
併是梅歌吹銜恩歸路晚棲烏半下鳳城來

人日重宴大明宮賜綵縷人勝應制

拂旦雞鳴仙衛陳憑高龍首帝城

一作庭

春千官黼帳杯

前壽百福香奩勝裏人山鳥初來猶怯囀林花未發已
偷新天文正應韶光轉設報懸知用此辰

奉和春初幸太平公主南莊應制

主家山第早春歸御輦春遊繞翠微買地鋪金曾作埒
尋河取石舊支機雲間樹色千花滿竹裏泉聲百道飛
自有神仙鳴鳳曲併將歌舞報恩暉

奉和春日幸望春宮應制

芳郊綠野散春晴
複道離宮煙霧生
楊柳千條花欲綻
蒲萄百丈蔓初縈
林香酒氣元相入
鳥嘯歌聲各自成
定是風光牽宿醉
來晨復得幸昆明

侍宴安樂公主新宅應制

皇家貴主好

一作學

神仙別業初開雲
漢邊山出盡如鳴

鳳嶺池成不讓飲
龍川妝樓翠幌教
春住舞閣金鋪借
日懸敬從乘輿來
此地稱觴獻壽樂
鈞天

龍池篇

唐李龍池樂章第三

龍池躍龍龍已飛龍德先

一作光

天天不違池開天漢分

黃

一作皇

道龍向天門入紫微邸第樓臺多氣色君王見

雁有光輝為報宸中百川水來朝此

一作北又一作上

地莫東

歸

興慶池侍宴應制

碧水澄潭映遠空紫雲香駕御微風漢家城闕疑天上
秦地山川似鏡中向浦回舟萍已綠分林蔽殿槿初紅
古來徒羨橫汾賞今日宸遊聖藻雄

從幸香山寺應制

南山奕奕通丹禁，北闕峩峩連翠雲。
嶺上樓臺千地起，城中鐘鼓四天聞。
旃檀曉閣金輿度，鸚鵡晴林采毳分。
願以醍醐參聖酒，還將祇苑當秋汾。

紅樓院應制

一作僧
廣宣詩

紅樓疑見白毫光，寺逼宸居福盛唐。
支遁愛山情謾切，曇摩泛海路空長。
經聲夜息聞天語，爐氣晨飄接御香。
誰謂此中難可到，自憐深院得徊翔。

再入道場紀事應制

一作僧
盧宣詩

南方歸去再生天內殿今年異昔年見闢乾坤新定位
看題日月更高懸行隨香輦登仙路坐近爐烟講法筵
自喜恩深陪侍從兩朝長在聖人前

嵩山石淙侍宴應制

金輿旦下綠雲衢綵殿晴臨碧澗隅溪水泠泠雜行漏
山煙片片繞香爐仙人六膳調神鼎玉女三漿捧帝壺
自惜汾陽紆道駕無如太室覽真圖

古意呈補闕喬知之

一作古意又作獨不見

盧家少婦鬱金堂

一作香

海燕雙棲玳瑁梁九月寒砧催

木葉十年征戍憶遼陽白狼河北音

一作軍

書斷丹鳳城

南秋夜長誰謂含愁獨不見更教明月照流黃

一作使妾明月

對流黃

遙同杜貲外審言過嶺

天長地濶嶺頭分去國離家見白雲洛浦風光何所似

一作肝腸無用說

崇山瘴癘不堪聞南浮漲海人

一作焉

何處北

望衡陽雁幾羣兩地江山

一作春光

萬餘里何時重謁聖明

君

和上巳連寒食有懷京洛

天津御柳碧遙遙軒騎相從半下朝
行樂光輝寒食借
太平歌舞晚春饒紅妝樓下東迴輦
青草洲邊南渡橋
坐見司空掃西第看君侍從落花朝

陪幸太平公主南莊詩

一作蘇頌詩

主第山門起灞川宸遊風景入初年
鳳皇樓下交天仗

烏鵲橋頭敞御筵
往往花間逢綵石
時時竹裏見紅泉
今朝扈蹕平陽館
不羨乘槎雲漢邊

守歲應制

南渡輕冰解渭橋
東方樹色起招搖
天子迎春取今夜
王公獻壽用明朝
殿上燈人爭烈火
宮中佞子亂驅妖
宜將歲酒調神藥
聖祚千春萬國朝

御定全唐詩卷九十六

欽定四庫全書

御定全唐詩卷九十七

沈佺期

陪幸韋嗣立山莊

台階好赤松別業對青峯
郊室承三顧花源接九重
虹

一作龍

旗縈秀木鳳輦拂疎筇
逕直

一作狹

千官擁溪長萬

騎容水堂開禹膳山閣獻堯鍾
皇鑑清居遠天文睿獎

濃巖泉他夕

一作日

夢漁釣往年逢共榮
丞相府偏降逸

人封

封嗣立為道遙
公故有末句

扈從出長安應制

漢宅規模壯周都景命隆西賓讓東主法駕幸天中太

史占星應春官奏日同旌門

一作旗

起長樂帳殿出新豐

翕習黃山下紆徐清渭東金麾張畫月珠幘戴松

一本作相

風是

一作暑

節嚴陰始寒郊散野蓬薄霜沾上路殘雪繞

離宮賜帛矜耆老塞旒問小童復除恩載洽望秩禮新

崇臣忝承明召多慙獻賦雄

初冬從幸漢故青門應制

漢王建都邑渭水對青門朝市俱東逝墳陵共北原荒涼蕭相關蕪沒邵平園全盛今何在英雄難重論故基仍嶽立遺堞尚雲屯當極土功壯安知人力煩天遊戒東首懷昔駐龍軒何必金湯固無如道德藩微臣諒多幸參乘偶殊恩預此陳古事敢奏興亡言

昆明池侍宴應制

武帝伐昆明穿池習五兵水同河漢在館有豫章名我

后光天德垂衣文教成黷兵非帝念勞物豈皇情春仗
過鯨沼雲旗出鳳城靈魚銜寶躍仙女廢機迎柳拂旌
門暗蘭依帳殿生還如流水曲日晚棹歌清一作聲

白蓮花亭侍宴應制

九日陪天仗三秋幸禁林霜威變綠樹一作嶼雲氣落青

岑水殿黃花合山亭絳葉深朱旗夾小徑寶馬駐清潯
苑吏收寒果饗人膳野禽承歡不覺暝遙響素秋砧

仙萼池亭侍宴應制

步輦尋丹嶂行宮在翠微
川長看鳥滅谷轉聽猿稀
天磴扶階迴雲泉透戶飛
閒花開石竹幽葉吐薔薇
徑狹難留騎亭寒欲進衣
白龜來獻壽仙吹返彤闈

奉和晦日駕幸昆明池應制

法駕乘春轉神池象漢迴
雙星移舊石孤月隱殘灰
戰鷁逢時去恩魚望幸來
山花緹騎繞堤柳幔城開
思逸橫汾唱歡留宴鎬杯
微臣雕朽質羞覩豫章材

奉和聖製幸禮部尚書竇希玠宅

北闕垂旒暇南宮聽履迴天臨翔鳳轉恩向躍龍開蘭
氣薰仙帳榴花引御杯水一作日從金穴吐雲是玉衣來

池影搖歌席林香散舞臺不知行漏晚清蹕尚徘徊

釣竿篇

朝日斂紅煙垂竿向綠川人疑天上坐魚似鏡中懸避
檝時驚透猜鉤每誤牽湍危不理轄潭靜欲留船釣玉
君徒尚徵金我未賢為省芳餌下貪得會無筌

和戶部岑尚書參迹樞揆

大君制六合良佐參萬機大業永開泰臣道日光輝鹽
梅和鼎食家聲衆所歸漢章題楚劒鄭武襲緇衣理識
當朝遠文華振古希風雲神契合舟楫道心微廟堂喜
容與時物遞芳菲御柳垂仙掖公槐覆禮闈昔陪鸞鷟
後今望鵬鵬飛徒御清風頌巴歌聊自揮

同李舍人冬日集安樂公主山池

嘗聞天女貴家即帝宮連亭挿宜春果山衝太液泉橋
低烏鵲夜臺起鳳皇年故事猶如此新圖更可憐紫巖

妝閣透青嶂
妓樓懸峰奪香爐
巧池偷明鏡
圓梅花寒待雪
桂葉晚留煙
興盡方投轄
金聲還復傳

酬蘇貲外味道夏晚寓直省中見贈

並命登仙閣分曹

一作宵

直禮闈大官供宿膳
侍史護朝

衣卷幔天河入開窗

一作當階又作披庭

月露微小池殘暑退高

樹早

一作晚

涼歸冠劒無時釋
軒車待漏飛明朝
題漢柱

三署有光輝

和韋舍人早朝

閭闔連雲起巖廊拂霧開玉珂龍影度珠履雁行來長

樂宵鐘盡

一作微

明光曉奏催一經推

一作傳

舊德五字擢

陪
英才儼若神仙去紛從霄漢迴千春奉休厯分禁喜趨

自考功負外授給事中

南省推丹地東曹拜

一作貴

瑣闥惠移雙管筆恩降五時

衣出入宜真選遭逢每濫飛器慙公理拙才謝子雲微

案牘遺常禮朋僚隔等威上台行揖讓中禁動光輝旭

日千門起初春八舍歸贈蘭聞宿昔談樹隱芳菲何幸
鹽梅處唯憂對問機省躬知任重寧止冒榮非

和元舍人萬頃臨池翫月戲為新體

春風搖碧樹秋霧卷丹臺復有相宜夕池清月正開玉
流含吹一作水動金魄度雲來熠燿光如沸翩翩景若摧

半環投積草碎壁聚流杯夜久平無煥天晴一作清皎未

墮鏡將池作匣珠以岸為胎有美司言暇高興獨悠哉
揮翰初難擬飛名豈易陪夜光殊在握了了見沈灰

酬楊給事兼

一作廉

見贈臺

一作省

中

子雲推辨博公理擅詞雄始自尚書省旋聞給事中言

從溫室祕籍向瑣闥通顧我叨郎署慙無草奏功

一作工

分曹八舍斷解袂五時空宿昔陪餘論平生賴擊蒙神

仙應東掖雲霧限南宮忽枉瓊瑤贈長歌蘭渚風

九真山淨居寺謁無礙上人

大士生天竺分身化日南人中出煩惱山下即伽藍小

澗香為剎危峯石作龕候禪青鴿乳窺講白猿參藤愛

雲間壁花憐石下潭泉行幽供好林挂浴衣堪弟子哀
無識醫王惜未談機疑聞不二蒙昧即朝三欲究因緣
理聊寬放棄慙超然虎溪夕雙樹下虛嵐

夜遊

今夕重門啓遊春得夜芳月華連晝色燈影雜星光南
陌青絲騎東隣紅粉妝管弦遙辨曲羅綺暗聞香人擁
行歌路車攢鬪舞塲經過猶未已鐘鼓出長楊

登瀛州南城樓寄遠

層城起麗譙憑覽出重霄茲地多形勝中天宛寂寥四
榮摩鵠鶴百拱厲風颼北際一作盡燕王館東連秦帝橋
晴光七郡滿春色兩河遙傲睨非吾土躊躇適遠囂離
居欲有贈春草寄長謠

塞北二首

虜障天驕起秦城地脉分栢壇飛五將梅吹動三軍鋒
刃奔濤色旌旗焰火文朔風吹汗漫飄礫灑輜輶海氣
如秋雨邊烽似夏雲二庭無歲月百戰有功勲形影隨

魚貫音書在雁羣歸來拜天子凱樂助南薰

胡騎犯邊埃風從丑上來五原烽火急六郡羽書催
冰壯飛狐冷霜濃候雁哀將軍朝授鉞戰士夜銜枚
紫塞金河裏蔥山鐵勒隈蓮花秋劒發桂葉曉旗開
秘畧三軍動妖氛百戰摧何言投筆去終作勒銘回

李貞外秦援宅觀妓

盈盈粉署郎五日宴春光選客虛前館徵聲徧後堂
玉釵翠羽飾羅袖鬱金香拂黛隨時廣挑鬟出意長
轉歌

遙合態度舞暗成行巧落梅庭裏斜光暎曉妝

送韋商州弼

會府應文昌商山鎮國陽聞君監郡史暫罷尚書郎王
事嗟相失人情貴不忘累年同畫省四海接文場黜翰
芳春色傳杯明月光故交從此去遙憶紫芝香

夏日梁王席送張岐州

秦雞常下雍周鳳昔鳴岐此地推雄撫惟良寄在斯家
傳七豹貴人擅八龍奇高傳生光彩長林歎別離天人

開祖席朝寀候征麾翠帟當郊敞彤幃向野披芃芃秋
麥盛萐萐夏條垂奏計何時入台階望羽儀

夏日都門送司馬負外逸客孫負外佺北征

時相

王為元帥魏大
夫元忠為副

二庭追虜騎六月動周師廟畧天人授軍麾相國持復
言徵二妙才命

一作
令

重當時畫省連征索橫門共別詞

雲迎出塞馬風卷度河旗計日方夷寇旋聞杖杜詩

送盧管記仙客北伐

羽檄西北飛交城日夜圍廟堂盛徵選戎幕生光輝雁
行度函谷馬首向金微湛湛山川暮蕭蕭涼氣稀餞途
予憫默赴敵子英威今日楊朱淚無將灑鐵衣

移禁司刑

疇昔參鄉賦中年忝吏途丹唇曾學史白首不成儒天
子開昌錄羣生偶大爐散材仍葺厦弱羽遽搏扶寵邁
乘軒鶴榮過食稻鳬何功遊畫省何德理黃樞弔影慙
非據傾心事遠圖盜泉寧止渴惡木匪投軀任直翻多

毀安身遂少徒一朝逢紕謬三省竟無虞白簡初心屈

黃紗

一作沙

始望孤患平終不怒持劾每相驅埋劍誰當

辨偷金以自誣誘言雖委答流議亦真符首夏方憂圉
高秋獨向隅巖城看熠燿園戶對蜘蛛累餉唯妻子披
冤是友于物情牽倚伏人事限榮枯門客心誰在隣交
迹倘無撫襟雙涕落危坐日憂趨聖旨垂明德冤囚豈
濫誅會希恩免理終望罪矜愚司寇宜哀獄台庭幸恤
辜漢皇虛詔上容有報恩珠

入鬼門關

昔傳瘴江路今到鬼門關
土地無人老流移幾客還
自從別京洛頽鬢與衰顏
夕宿舍沙裏晨行岡路間
馬危千仞谷舟險萬重灣
問我投何地西南盡百蠻

三日獨坐驩州思憶舊遊

兩京多節物三日最遨遊
麗日風徐卷香塵雨暫收
紅桃初下地綠柳半垂溝
童子成春服宮人罷射鞬
禊堂通漢苑解席繞秦樓
東暫言談妙張華史漢適無亭不

駐馬何浦不橫舟舞簫千門度帷屏百道流金丸向鳥
落芳餌接魚投濯穢憐清淺迎祥樂獻酬靈芻陳欲棄
神藥曝應休誰念招魂節翻為禦魃囚朋從天外盡心
賞日南求銅柱威丹徼朱崖鎮火陬炎蒸連曉夕瘴癘
滿冬秋西水何時貸南方詎可留無人對爐酒寧緩去
鄉憂

從驩州廨宅移住山間水亭贈蘇使君

遇坎即乘流西南到火洲鬼門應苦夜瘴浦不宜秋歲

貸胸穿老朝

一作宵

飛鼻飲

一作飲

頭死生離骨肉榮辱間

朋遊棄置一身在平生萬事休
鷹鷂遭誤逐豺虎怯真

投憶昨京華子傷今邊地囚
願陪鸚鵡樂希並鷓鴣留

日月渝鄉思煙花換客愁
幸逢蘇伯玉回借水亭幽山

柏張青蓋江蕉卷綠油乘閒無火宅
因放有漁

一作虛

舟

適越心當是居夷迹可求
古來堯禪舜何必罪驩兜

赦到不得歸題江上石

家住東京裏身投南海西
風烟萬里隔朝夕幾行啼聖

主謳歌洽賢臣法令齊忽聞銅柱使走馬報金雞棄市
沾皇渥投荒漏紫泥魂疲山鶴路心醉站鳶溪天鑒誅
元惡宸慈恤遠黎五方思寄刃萬姓喜然臍自幼輸丹
懇何嘗玷白圭承言竄遐魅雪枉間深狴墳壠無由謁
京華豈重躋炎方誰謂廣地盡覺天低百卉雜殊怪昆
蟲理賴睽閉藏元不蟄搖落反生黃瘡瘡因茲苦窮愁
並復迷火雲蒸毒霧陽雨濯陰霓周乘安交趾王恭輯
畫題少寬窮涸猶愍觸藩羝配宅隣州解斑苗接野

畦山空聞鬪象江靜見游犀翰墨思諸季裁縫憶老妻
小兒應離祿幼女未攀筓夢蝶翻無定著龜詎有倪誰
能竟此曲曲盡氣酸嘶

答魑魅代書寄家人

魑魅來相問君何失帝鄉龍鍾辭北闕蹭蹬守南荒覽
鏡憐雙鬢沾衣惜萬行抱愁那去國將老更垂裳影答
余他歲恩私宦洛陽三春給事省五載尚書郎黃閣遊
鸞署青緜御史香扈巡行太液陪宴坐明光渭北昇高

苑河南祓禊場煙花恒獻賦泉石每稱觴暇日從休澣
高車暎道傍迎賓就丞相選士謁昭王侍寵言猶得承
歡謂不忘一朝貽厚譴五宅竟同防先豎曾驅策權豪
豈易當欸顏因侍從接武在文章且懼威非贊寧知心
是狼身猶納履誤情為覆盆傷可歎緣成業非闕行昧
藏喜逢今改旦正朔復歸唐河讖隨龍馬天書逐鳳皇
朝容欣舊則宸化美初綱告善雕旌建收冤錦旆張宰
臣更獻納郡守各明揚禮樂移三統舟車會八方雲沙

降白遂秦隴獻燒當三赦重天造千推極國詳大招思
復楚于役限維桑漲海緣真臘崇山壓古棠雕題飛杪
宇儋耳間衣裳伏枕神餘劣加餐力未強空庭遊翡翠
窮巷倚桄榔緣體分殊昔回眸究異常吉凶恒委鄭年
壽會詢唐家本傳清白官移重挂牀上京無薄產故里
絕窮莊碧玉先時費蒼頭此自將興言歎家口何處待
贏糧計吏從都出傳聞大小康降除沾二弟離拆已三
房劒外懸銷骨荆南預斷腸音塵黃耳間夢想白眉良

復此單栖鶴街雛願遠翔何堪萬里外雲海已漠茫戚
屬甘胡越聲名任粃糠由來休憤命命也信蒼蒼獨坐
尋周易清晨詠老莊此中因悟道無問入猖狂

度安海入龍編

我來交趾郡南與貫胸連四氣分寒少三光置日偏尉
佗曾馭國翁仲久遊泉邑屋遺毗在魚鹽舊產傳越人
遙捧翟漠將下看焉北斗崇山挂南風漲海牽別離頻
破月容鬚驟催年昆弟推由命妻孥割付緣夢來魂尚

擾愁委疾空纏虛道崩城淚明心不應天

從崇山向越常

并序 常
一作裳

按九真圖崇山至越常四十里杉谷起古崇山竹
溪從道明國來於崇山北二十五里合水歌缺藤
竹明昧有三十峯夾水直上千餘仞諸仙窟宅在
焉

朝發崇山下暮坐越常陰西從杉谷度北上竹溪深竹
溪道明水杉谷古崇岑差池將一作疑不合繚繞復相尋

桂葉藏金嶼藤花閉石林天窗虛的的雲竇下沈沈造
化功偏厚真仙跡每臨豈徒探怪異聊欲緩歸心

哭蘇睢州崔司業二公

并序

同時郎裴懷古者作牧潭府神龍三年秋八月仝
期承恩北歸途中覲止訪及故舊知睢州蘇使君
味道國子崔司業融馳旋間相次而逝蘇往任鳳
閣侍郎仝期忝通事舍人崔重為鳳閣舍人仝期
又遷給事並銜疇昔之眷俱荷提獎之恩前年負

譴南荒二公先移官守迨此函問情復何堪所恨
遷竄有期行邁在遠哀不展舊禮不申悲流慟斯
文冀通幽路

渙汗天中發伶俜海外旋長沙遇太守問舊幾人全國
寶亡雙傑天才喪兩賢大名齊弱歲高德並中年禮樂
羊叔子文章王仲宣

一作風鑑王夷甫文章謝惠連

相看尚玄鬚相次

入黃泉流放蠻陬潤鄉闕帝里偏親朋雲霧擁生死歲
時傳崔昔揮宸翰蘇嘗濟巨川絳衣陪下列黃閣謬差

肩及此俱冥昧云誰叙播遷隼興

一作旗又作旗

懷舊轍鱸館

想虛筵家愛方休杵皇慈更撤縣銘旌西蜀路騎吹北

邛田隴樹應秋矣江帆故

一作圓

杳然罷琴明月夜留劒

白雲天涕泗湘潭水淒涼衡嶠煙古來修短分神理竟
難筌

哭道士劉無得

聞有玄都客成仙不易祈蓬萊向清淺桃杏欲芳菲縮
地黃泉出昇天白日飛少微星夜落高掌露朝晞吐甲

龍應出銜符鳥自歸國人思負局天子惜被一作披衣花

月留丹洞琴笙閣

一作下

翠微嗟來子桑扈爾獨返於幾

寒食

普天皆滅焰匝地盡藏煙不知何處火來就客心然

回波詞

回波爾時佳期流向嶺外生歸身名已蒙齒錄袍笏未

復牙緋

上巳日祓禊渭濱應制

寶馬香車清渭濱紅桃碧柳禊堂春
皇情尚憶垂竿佐

天祚

一作瑞

先呈捧劍人

奉和韋嗣立山莊應制

東山朝日翠屏開北闕晴空綵仗來
喜遇天文七曜動

少微今夜近

一作入

三台

夜宴安樂公主宅

濯龍門外主家親鳴鳳樓中天上人
自有金杯迎甲夜

還將綺席代

一作發

陽春

苑中遇雪應制

北闕彤雲掩曙霞東風吹雪舞仙

一作山

家瓊章定少千

人和銀樹長芳六出花

餞唐永昌

一作餞唐郎中洛陽令

洛陽舊有

一作出

神明宰輦轂由來天地中餘邑政成何

足貴因君取則四方同

獄中聞駕幸長安二首

傳聞聖旨向秦京誰念羈囚滯洛城扈從由來是方朔

為申冤氣在長平

無事今朝來下獄誰期十月是

一作見

橫一作黃

河君看鷹

隼俱堪

一作罷又作能

擊為報蜘蛛收網羅

邛山

北邙山上列墳塋萬古千秋對洛城城中日夕歌鐘起

山上唯聞松柏聲

句

周原五稼起雲海百川歸顧此零陵燕長隨征旆飛

春雨

詩式

大正四年三月

御定全唐詩

十八

御定全唐詩卷九十七

欽定四庫全書

御定全唐詩卷九十八

趙冬曦

趙冬曦定州人進士擢第歷左拾遺開元初遷監察御史坐事流岳州時與刺史張說數賦詩相倡和後召還復官累遷中書舍人內供奉終國子祭酒冬曦兄冬日弟和璧等六人韋述弟亦六人並詞學登科張說稱之曰韋趙昆季人之杞梓詩十九首

陪張燕公登南樓

抑鬱

一作寬慰

何以歡陰氛

一作氣

亦登望孤島輕霧裏行舟

白波上目勞西北雲心醉東南嶂昔日青谿子胡然此
無狀

酬燕公出湖見寄

綸綍有成命旌麾不可攀湘川朝目

一作日

斷荆闕夕波

還果枉東瞻唱興言夕放閒攜琴仙洞中置酒澗湖上
芳景恣行樂謫居忽如忘聚散本相因離情自悲悵鸞

翮非常戢鵬天會昭曠永懷宛洛游曾是彈冠望

奉和張燕公早霽南樓

方曙躋南樓凭軒肆遐矚物華蕩暄氣春景媚晴旭川
霽湘山孤林芳楚郊縟列巖重疊翠遠岸逶迤綠風帆

摩天垠魚艇散轡曲鴻歸鶴舞送

一作遠

猿叫鶯聲續羣

動皆熙熙噫予獨羈束常欽才子意

一作義

忌鵬傷蹉跎

雅尚騷人文懷沙何迫促未知二賢意去矣從所欲

滄湖作

并序

巴丘南瀝湖者蓋沅湘澧汨之餘波焉茲水也淪
匯洞庭澹澹千里夏潦奔注則洑為此湖冬霜既
零則涸為平野按爾雅云水反入為瀝斯名之作
有由焉爾而此鄉炎暑子月草生彌望青青相與
遊藉豈盈虛之可歎亦風景之多傷感物增懷因
書其事

三湖返入兩山間畜作瀝湖彎復彎暑雨奔流潭

一作湘

正滿微霜及潦水初還水還波卷谿潭涸綠草芊芊岍

斬竹適來

一作方

飛擢共迴旋已復揚鞭恣行樂道傍者

老步蹢躅楚言茲事不知年試就湖邊披草徑莫疑東

海變桑田君訝今時盡陵陸我看明歲更淪漣來今自

昔無終始人事迴環常若是應

一作懸

思闕下聲華日誰

謂江潭旅遊子初貞正喜固當然往蹇來譽宜可俟盈
虛用舍輪輿旋勿學靈均遠問天

和燕公岳州山城

為吏恩猶舊投沙患此蒙江邊悠爾處泗上宛然同訪

道精言合論經大義通鳴琴有真一作奇氣況已沐清風

和尹悉秋夜遊澠湖二首

政理常多暇方舟此汴吹笙虛洞荅舉楫便風催山
暗雲猶辨潭幽月稍來清谿無數曲未盡莫先迴
煙靄夕微蒙幽灣賞未窮艤舟待初月褰幌招遠風鶴
聲聒前浦漁火明暗叢東山雲壑意不謂爾來同

陪燕公遊澠湖上寺

江外多山水招要步馬來琴將天籟合酒共鳥聲一作歌

催巖坐攀紅藥谿行愛綠苔所懷非此地遊望亦裴回
荅張燕公翻著葛巾見呈之作

美酒值芳春醒餘氣益真降歡時倒履乘興偶翻巾徐
榻思方建左車理自均傲然歌一曲一醉濯纓人

奉荅燕公

語別意淒淒零陵湘水西佳人金谷返愛一作遊子洞庭

迷舊館逢花發他山值鳥啼江天千里望誰見綠蘋齊

奉和聖製同二相已下羣官樂遊園宴

爽塏三秦地芳華二月初酺承英辟罷宴是合錢餘柳
翠垂堪結桃紅卷欲舒從容會鵷鷺延曼戲龍魚喜氣
流雲物歡聲浹里閭聖恩將報厚

一作厚意

請述記言書

奉和聖製荅張說扈從南出雀鼠谷

軒轅應順動力牧正趨陪道合殷為礪時行楚有材省
方西禮設振旅北京迴地理分中壤天文照上台寒依
汾谷去春入晉郊來竊比康衢者長歌仰大哉

奉和聖製送張說上集賢學士賜宴賦得蓮字

淺術方觀海深恩忽見天學開丹殿籍名與石渠賢良
輔膺休命微生謬采甄春餘仍哢鳥夏近未舒蓮牋札
來宸禁衣冠集詔筵史臣知醉德欲記升中

一作平年

奉荅燕公

誰道零陵守東過此地遊友僚同省閣昆弟接荊州我
逐江潭鴈君隨海上鷗屢傷神氣阻久別鬢毛秋疑嶺
春應徧陽臺雨欲收主人情未盡高駕少淹留

陪張燕公行郡竹籬

良臣乃國寶，麾守去承明。外戶人無閉，浮江獸已行。隨
來晉盜逸，民化蜀風清。郭郭從彝典，州閭荷德聲。小人
授一作被天涯一作涯，流落巴丘城。所賴中和作，優游鑿與耕。

和燕公別澠湖

南湖美泉石，君子翫幽奇。灣澳陪臨泛，巖嵒共踐窺。秋
風賴桂竦，春景綠楊垂。郢路委分竹，湘濱擁去麾。枉帆
懷勝賞，留景惜差池。水木且不棄，情由良可知。

奉酬燕公見歸田賦垂贈之作

窮鳥嬰籠綴孤飛任播遷
鷦鷯王佐用復此挫沖天
楚雲何掩鬱湘水亦迴遘
懷哉愧木鴈忽爾枉蘭荃
愈疾同枚叔銷憂比仲宣
歸途書可畏弱操石猶堅
覆載雖云廣潯陽直塊然

和張燕公耗磨日飲

上月今朝減流傳耗磨辰
還將不事事同醉俗中人
春來半月度俗忌一朝間
不酌他鄉酒無堪對楚山

此二

首一作

張說詩

尹恁

尹恁河間人為張說岳州從事官補闕詩四首

奉陪張燕公登南樓

君子每垂眷江山共流盼水遠林外明巖近霧中見終日西北望何處是京縣屢登高春臺徒使淚如霰

秋夜陪張丞相趙侍御游澠湖二首

并序

燕公以司馬初到趙侍御客馬聿理方舟嬉游澠

豁覽山川之異探泉石之奇騁望崇朝留尊待月
一時之樂豈不盛歟賦詩者列之於左

熊軾巴陵地鷁舟湘水潯江山與勢遠泉石自幽深杳
靄入天豁冥茫見道心超然無俗事清宴有空林

一作深

江上饒奇山巔羅雲水間風和

一作秋

樹色雜苔古石丈

斑巴俗將千澹澁湖凡幾灣嬉遊竟不盡乘月汎舟還

同燕公汎洞庭

風光浙浙草中飄日彩熒熒水上搖幸奏瀟湘雲豁意

山傷容與動仙槎

王琚

王琚懷州河內人神龍初為駙馬王同皎所器預謀刺武三思後太平公主謀逆琚勸明皇先事誅之薦張說劉幽求郭元振等與決議事平進戶部尚書眷委特異參豫大政時號內宰相後以讒見疏歷典外郡卒為李林甫所構貶死詩四首

奉荅燕公

郡遠途且艱宜悲良自得胡為心獨爾惠好在南國亦
既清顏披罔然良願克與君蘭時會羣物如藻飾煙景
惜歡賞雲山起翰墨接藝奇思微偶談玄言直永日不
知倦逾旬猶謂亟如何酌離尊移櫂巴城側浦口勞長
望舟中獨太息疾風吹飛帆倏忽南與北目盡不復見
懷哉無終極唯當衡峰上遥辨湖水色

美女篇

東鄰美女實名倡絕代容華無比方濃纖得中非短長

紅素天生誰飾妝
桂樓枌閣木蘭堂
繡戶雕軒文杏梁
屈曲屏風繞象牀
菱蕤翠帳綴香囊
玉臺龍鏡洞徹光
金爐沈煙酷烈芳
遙聞行佩音鏘鏘
含嬌欲笑出洞房
二八三五閨心切
褰簾捲幔迎春節
清歌始發詞怨咽
鳴琴一弄心斷絕
借問哀怨何所為
盛年情多心自悲
須臾破顏倏斂態
一悲一喜併相宜
何能見此不注心
惜無媒氏為傳音
可憐盈盈直千金
誰家君子為藁砧

自荆湖入朝至岳陽奉別張燕公

五載朝天子三湘逢舊僚扁舟方輟擢清論遂終朝遠
樹煙間沒長江地際遙帝城馳夢想歸帆滿風颭

游澠湖上寺

春山臨遠壑水木自幽清夙昔懷微尚茲焉一放情雲
間聽弄鳥煙上摘初英地僻方無悶逾知道思精一作生

陰行先

陰行先開元間為張說湘州從事詩一首

和張燕公湘中九日登高

重陽初啓節無射正飛灰寂寞風蟬至連翩霜鴈來山
棠紅葉下岸菊紫花開今日桓公座多愧孟嘉才

王熊

王熊潭州都督詩二首

奉別張岳州說二首

一作荅張燕
公岳州宴別

長沙辭舊國洞庭逢故人薰蘭敦久要披霧轉相親歲
月空嗟老江山不惜春忽聞黃鶴曲更作白頭新

平生共風月倏忽間山川不期交淡水暫得欸忘年興

逸方罷釣帆開欲解船
離心若危旆朝夕為君懸

梁知微

梁知微嗣聖初登進士第
嘗守潭州與張說相贈荅詩

一首

入朝別張燕公

華容佳山水之子厭承明
符竹紆小郡江湖被德聲
三年計吏入路指巴丘城
鳬舟纔結纜騶駕已相迎
別離他鄉酒委曲故人情
孤嶼早煙薄長波晚氣清
辛勤方

遠驚勝賞屢難并迴瞻洞庭浦日暮愁雲生

李伯魚

李伯魚臨淄人善為文登開元六年進士第擢校書郎
出為青州司功詩一首

桐竹贈張燕公

北竹青桐北南桐

一作家

綠竹南竹林君早愛桐樹我初

貪鳳栖桐不媿鳳食竹何慙棲食更如此餘非鳳所堪

楊重玄

楊重元開元進士詩一首

正朝上左相張燕公

歲去愁終在春還命不來長吁問丞相東閣幾時開

朱使欣

朱使欣張說同時人詩一首

道峽似巫山

江如曉天靜石似暮雲張征帆一流覽宛若巫山陽楚
客思歸路秦人謫異鄉猿鳴孤月夜再使淚霑裳



御定全唐詩卷九十八

1

2

3

欽定四庫全書

集部

御定全唐詩卷

九十九至
一百四

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣金光悌

謄錄監生臣秦朴

欽定四庫全書

御定全唐詩卷九十九

張循之

張循之洛陽人與弟仲之並以學業著名則天時上書

忤旨被誅詩六首

巫山高

一作沈
佳期詩

巫山高不極合沓狀奇新暗谷疑風雨陰崖若鬼神月

明三峽曉

一作曙

潮滿九

一作

江春為問陽臺客應知入

夢人

送泉州李使君之任

傍海皆荒服分符重漢臣
雲山百越路市井十洲人
執玉來朝遠還珠入貢頻
連年不見雪到處即行春

長門怨

一作張修之詩

長門落景盡洞房秋月明
玉階草露積金屋網塵生
妾妬今應改君恩惜未平
寄語臨邛客何時作賦成

巫山

流景一何速年華不可追
解佩安所贈怨咽空自悲

送王汶宰江陰

郡北乘流去花間竟日行
海魚朝滿市江鳥夜喧城
讓酒非關病援琴不在聲
應緣五斗米數日滯淵明

婺州留別鄧使君

西掖馳名久東陽出守時
江山婺女分風月隱侯詩
別恨雙溪急留歡五馬遲
迴舟暎沙嶼未遠剩相思

王峻

王峻滄州景城人擢明經第調清苑尉歷殿中侍御史
出為渭南尉景龍末授桂州都督累遷太僕少卿隴右
羣牧使開元二年襲吐蕃於臨洮以功加銀青光祿大
夫進并州都督長史又以破突厥功拜兵部尚書朔方
軍大總管後代張說為兵部尚書同中書門下三品充
朔方軍節度大使終戶部尚書朔方節度詩一首

祭汾陰樂章

太和

於穆聖皇六葉重光太原刻頌后土疏場寶鼎呈符獻
雲孕祥禮樂脩矣降福穰穰

張柬之

張柬之字孟將襄陽人涉獵經史尤好三禮舉進士賢
良對策第一授監察御史聖厯中為鳳閣舍人弘文館
直學士長安中令舉宰相材以姚崇薦遷鳳閣侍郎知
政事及誅二張兄弟柬之首謀也中宗即位以功擢天
官尚書封漢陽王遷中書令為武三思所構貶死集十

卷今存詩五首

大堤曲

南國多佳人莫若大堤女
玉牀翠羽帳寶裯蓮花距
魂處自目成色授開心許
迢迢不可見日暮空愁予

東飛伯勞歌

青田白鶴丹山鳳
婺女姮娥兩相送
誰家絕世綺帳前
豔粉紅脂映寶鈿
窈窕玉堂褰翠幙
參差繡戶懸珠箔
絕世三五愛紅妝
冶袖長裙蘭麝香
春去花枝俄易改

可歎年光不相待

出塞

俠客重恩光
驄馬飾金裝
暫聞傳羽檄
馳突救邊荒
歛野山川動
驚天旌旆揚
吳鉤明似月
楚劍利如霜
電斷衝胡塞
風飛出洛陽
轉戰磨笄俗
橫行戴斗鄉
手擒郅支長
面縛谷蠡王
將軍占太白
小婦怨流黃
驂青綵騎
娉婷紅粉妝
三春驚度曲
八月鴈成行
誰堪坐愁思
羅袖拂空牀

與國賢良夜歌二首

柳臺臨新堰樓堞相重複窈窕鳳皇姝傾城復傾國
杏間花照灼樓上月裴回帶嬌移玉柱含笑捧金杯

袁恕已

袁恕已滄州東光人長安中歷司刑少卿預誅二張又
從相王統南衙兵脩非常以功為中書侍郎進中書令
封南陽郡王後貶死環州詩一首

詠屏風

綺閣雲霞滿芳林草樹新鳥驚疑欲曙花笑不關春山
對彈琴客谿留垂釣人請看車馬客行處有風塵

劉幽求

劉幽求冀州武強人聖歷中舉制科中第臨淄王入誅
韋庶人幽求預參大策是夜所下制勅百餘道皆出其
手以功授中書舍人睿宗即位行尚書右丞遷吏部尚
書拜侍中開元初改尚書左右僕射為左右丞相乃以
幽求為左丞相後坐怨望貶卒詩一首

書懷

避暑錄云此詩三館昭庫爛冊中檢得幽求非肯安田園者殆出守時憤懣而作

心為明時盡君門尚不容田園迷徑路歸去欲何從

章玄同

章玄同武后時人久視中張錫為相請還廬陵王坐流
循州玄同有流所贈詩蓋亦當時貶謫者詩一首

流所贈張錫

黃葉因風下甘從洛浦隈白雲何所為還出帝鄉來

王易從

王易從中宗朝為鄆縣尉張仁愿奏分判軍事詩一首

臨高臺

漢主事祈連良人在高闕空臺寂已暮愁坐變容髮汎
豔春幌風裴回秋戶月可憐軍書斷空使流芳歇

盧僊

盧僊吏部尚書從愿之從父也自聞喜尉入為學士終
吏部員外郎詩十四首

初出京邑有懷舊林

賦生期獨得素業守微班外忝文學知鴻漸鷄鷺間內
傾水木趣築室依近山晨趨天日宴夕卧江海間松風
生坐隅仙禽舞亭灣曙雲林下客霽月池上顏雖日坐
郊園靜默非人寰時步蒼龍闕寧異白雲關語濟豈時
顧默善忘世攀世網余何觸天涯謫南蠻回首思洛陽
喟然悲貞艱舊林日夜遠孤雲何時還

稍秋曉坐閣遇舟東下揚州即事寄上族父江

陽令

虎嘯山城晚猿鳴江樹秋紅林架落照青峽送歸流
歸流赴淮海征帆下揚州族父江陽令盛業繼前修
文掩崔亭伯德齊陳太丘時哉惜未與千載且為
儔憶昔山陽會長懷東上游稱觴阮林下賦雪謝庭
幽道濃禮自略氣舒文轉適高情薄雲漢酣態坐
芳洲接席復連軫出入陪華輶獨善與兼濟語默
奉良籌歲月歡無已風雨暗颼颼掌憲時持節為
邦邈海頭子人惠雖樹蒼生望且留微躬趨直道
神甸忝清猷仙臺適西步蠻徼忽

南浮宇內皆安樂天涯獨遠投忠信徒堅仗神明豈默
訓觀生海漫漫稽命天悠悠雲昏巴子峽月遠吳王樓
懷昔明不寐悲令歲屬周喟無排雲翮暫得抒離憂空
灑霑紅淚萬里逐行舟

讓帝挽歌詞二首

開元二十九年冬十一月太尉寧王憲薨帝失聲號慟曰

天下兄之天下也因讓於我乃追謚曰讓皇帝

泰伯玄風遠延州德讓行闔棺追大節樹羽冊鴻名地
戶迎天仗皇階失帝兄還聞漢明主遺一作劍泣東平

朝天馳馬絕冊帝宮祖恍惚陵廟新蕭條池館古萬
化一朝空哀樂此路同西園有明月脩竹韻悲風

第二句缺

一字

十月梅花書贈

君不見巴鄉氣候與華別年年十月梅花發上苑今應
雪作花寧知此地花為雪自從遷播落黔巴三見江上
開新花故園風花虛洛汭窮峽凝雲度歲華花情縱似
河陽好客心倍傷邊候早春候颯驚樓上梅霜威未落

江潭草江水侵

一作尋

天去不還樓花覆簾空坐攀一向

花前看白髮幾回夢裏憶紅顏紅顏白髮雲泥改何異

桑田移碧海却想華年故國時唯餘一片空心在空心

弔影向誰陳雲臺仙閣舊遊人儻知巴樹連冬發應憐

南國氣長春

歲晚還京臺望城闕成口號先贈交親

紫陌開行樹朱城出晚霞猶憐慣去國疑是夢還家風
弱知催柳林青覺待花交親望歸騎幾處擁年華

送蘇八給事出牧徐州用芳韻

相國
請出

金鼎屬元方
璫闌連季常
畏盈聊出守
分命乃維良
曉騎辭朝遠
春帆向楚長
賢哉謙自牧
天下詠餘芳

上幸皇太子新院應制

佳氣曉蔥蔥
乾行入震宮
前星迎北極
少海被南風
視膳銅樓下
吹笙玉座中
訓深家以正
義舉俗為公
父子成釗合
君臣禹啟同
仰天歌聖道
猶愧乏雕蟲

奉和李令扈從溫泉宮賜遊驪山韋侍郎別業

風后軒皇佐雲峰謝客居承恩來翠嶺締賞出丹除飛
蓋松一作雙谿寂清茄玉洞虛窺巖詳霧豹過水略泉魚
鄉入無何有時還上古初伊臯羞過狹魏丙服麤疎白
雪緣情降青霞落卷舒多慚郎署在輒繼國風餘

李冬送戶部郎中使黔府選補

握鏡均荒服分衡得大同徵賢一臺上補吏五谿中雨
露將天澤文章播國風漢庭睽直諒楚峽望清通馬逐
霜鴻漸帆沿曉月空還期鳳池拜照耀列星宮

途中口號

一作郭向詩

抱玉三朝楚懷書十上秦年年洛陽陌花鳥弄歸人

南望樓

去國三巴遠登樓萬里春傷心江上客不是故鄉人

臨川送別

秋郊日半隱野樹煙初映風水正蕭條那堪動離詠

題殿前桂葉

桂樹生南海芳香隔楚

一作遠

山今朝天上見疑是月中

攀

牛鳳及

牛鳳及長壽中撰唐書劉軻與馬植論史官書嘗稱之

詩一首

奉和受圖溫洛應制

八神扶

一作承

玉輦六羽警瑤谿戒道伊川北通津

一作旌

澗水西御圖開洛匱刻石與天齊瑞日波中上仙禽霧

裏低微臣矯弱翮抃舞接鸞鷟

御定全唐詩卷九十九

欽定四庫全書

御定全唐詩卷一百

司馬逸客

司馬逸客則天朝嘗從相王北征李乂有詩送之稱為
員外詩一首

雅琴篇

亭亭嶧陽樹落落千萬尋獨抱出雲節孤生不作林影
搖綠波水彩絢丹霞岑直幹思有託雅志期所任匠者

果留盼雕斲為雅琴文以楚山玉錯以昆吾金虬鳳吐
奇狀商徵含清音清音雅調感君子一撫一弄懷知己
不知鍾期百年餘還憶朝朝幾千里馬卿臺上應蕪沒
阮籍惟前空已矣山情水意君不知拂匣調弦為誰理
調弦拂匣倍含情況復空山秋月明隴水悲風已嗚咽
離鷗別鶴更淒清將軍塞外多奇操中散林間有正聲
正聲諧風雅欲竟此曲誰知者自言幽隱乏先容不道
人物知音寡誰能一奏和天地誰能再撫歡朝野朝野

歡娛樂未央車馬駢闐盛彩章
歲歲汾川事簫鼓朝朝伊水聽
笙簧窈窕樓臺臨上路妖嬈歌
舞出平陽彈弦本自稱仁祖吹
管由來許季長猶憐雅歌淡無
味淥水白雲誰相貴還將逸詞
賞幽心不覺繁聲論遠意傳聞
帝樂奏鈞天儻冀微躬一作身
備五弦願持東武宮商韻
長奉南熏億萬年

王紹宗

王紹宗字承烈揚州江都人嗜學尤工草隸家貧常傭

金匱要略卷一百
力寫佛經以自給徐敬業逼之不起則天時拜太子文
學累轉祕書少監詩一首

三婦豔

大婦能調瑟中婦詠新詩小婦獨無事花庭曳履綦上
客且安坐春日正遲遲

鄭遂初

鄭遂初萬歲通天中登第詩一首

別離怨

蕩子戍遼東連年信不通塵生錦步障花送一作遠玉屏

風只怨一作恐紅顏改寧辭玉簫空繫書春雁足早晚到

雲中

李崇嗣

李崇嗣則天時奉宸府主簿聖歷中曾奉勅預東觀修

書見沈佺期黃口贊序詩三首

寒食

一作沈佺期詩

普天皆滅焰匝地盡藏煙不知何處火來就一作向一作促客

心然

覽鏡

一作李
嗣宗詩

歲去紅顏盡愁來白髮新今朝開鏡匣疑是別逢

一作
逢故

人

獨愁

聞道成都酒無錢亦可求不知將幾斗

一作
午

銷得此來

愁

東方虬

東方虬則天時為左史嘗云百年後可與西門豹作對
陳子昂寄東方左史脩竹篇書稱其孤桐篇骨氣端翔
音韻頓挫不圖正始之音復覩於茲今失傳存詩四首

昭君怨三首

漢道方

一作今一作初

全盛朝廷足武臣何須

一作煩

薄命妾辛

苦事和親

拚淚

一作涕

辭丹鳳銜悲向白龍單于浪驚喜無復舊時

容

胡地無花

一作青

草春來不似春自然衣帶緩非是為

一作

覓腰身

春雪

春雪滿空來觸處似花開不知園裏樹若箇是真梅

張楚金

張楚金年十七與兄越石同以茂才擢第歷秋官尚書

詩一首

逸人歌贈李山人

上有充兮下有由
眠松陽兮漱潁流
其貌古其心幽浩
歌一曲兮林壑秋
道險可驚兮人莫
用樂天知命兮守
巖洞時擊磬兮嗟
鳴鳳吾欲知往古
之不可追自悠悠
於凡夢

房融

房融河南人則天時為相
神龍元年貶死高州好浮屠
法嘗於嶺外筆受楞嚴經詩一首

謫南海過始興廣勝寺果上人房

一作過韶州廣界寺

零落嗟殘命蕭條託勝因方燒三界火遽洗六情塵隔

嶺天花發凌空月殿新誰令鄉國

一作故鄉

夢思

終

一作從

此學分身

呂太一

呂太一景雲中為洹水令魏知古表奏之又嘗與中書舍人苗延嗣考功員嘉靖侍御史崔訓皆為張嘉貞所薦時語曰令君四俊苗呂員訓詩一首

詠院中藂竹

太一拜監察御史裏行自負才華而不即真因詠院中藂竹以寄意

馬

擢擢當軒竹青青重歲寒心貞徒見賞穉小未成竿

張紘

一作
法

張紘久視中登第與呂太一同官監察御史後自左拾
遺貶許州司戶詩三首

和呂御史詠院中藂竹

聞君庭竹詠幽意歲寒多歎息為冠小良工將奈何

閨怨

搜玉集作
張炫詩

去年離別雁初歸
今夜裁縫螢已飛
征客近一作未

一作去

音信斷不知何處寄寒

一作衣

行路難

君不見溫家玉鏡臺
提攜把握九重來
君不見相如綠綺琴
一撫一拍鳳凰音
人生意氣須及早
莫負當年行樂心
荆王奏曲楚妃歎
曲盡歡終夜將半
朱樓銀閣正平生
碧草青苔坐蕪漫
當春對酒不須疑
視日相看能幾時
春風吹盡燕初至
此時自為稱君意
秋露萎草鴻

始歸此時衰暮與君違人生翻覆何常定誰保容顏無
是非

鄭蜀賓

鄭蜀賓滎陽人善五言詩長壽中終縣尉詩一首

別親朋

唐新語云蜀賓老為江左一尉親朋餞
於上東門賦詩酒酣自詠聲調哀戚竟

卒於
官

畏途方萬里生涯近百年不知將白首何處入黃泉

欽定四庫全書

欽定四庫全書
卷一百

御定全唐詩卷一百

欽定四庫全書卷

御定全唐詩卷一百一

宋務光

一作宋先

宋務光字子昂一名烈汾州西河人舉進士及第調洛陽尉遷右衛騎曹參軍神龍初上封事直諫不省俄以監察御史巡察河南道考最進殿中右臺御史詩一首

海上作

曠哉潮汐池大矣乾坤力浩浩去無際沄沄深不測崩

騰翕衆流泐滢環中國鱗介錯殊品氛霞饒詭色天波
混莫分島樹遙難識漢主探靈怪秦王恣遊陟搜竒大
壑東竦望成山北方術徒相誤蓬萊安可得吾君畧仙
道至化乎溥默驚浪晏一作按窮溟飛航通絕域馬韓底

厥貢龍伯修其職粵我邁休明匪躬期正直敢輸鷹隼
執以問一作問豺狼忒海路行已殫輶軒未皇息勞歌玄

月暮旅睇滄浪極魏闕渺雲端馳心附歸翼

李景伯

李景伯懷遠子景龍中為給事中遷諫議大夫中宗嘗
宴侍臣及朝集使酒酣令各為回波辭衆皆為諛佞景
伯獨不然蕭至忠稱之曰此真諫官也終散騎常侍詩
一首

回波辭

回波爾時酒卮微臣職在箴規侍讌既過三爵喧譁竊
恐非儀

李行言

李行言隴西人兼文學幹事中宗時為給事中能唱步
虛歌七月七日兩儀殿會宴帝命為之行言於御前長
跪作三洞道士音詞歌數曲時論鄙之詩一首

秋晚度廢闕

秦郊平舊險周德眷遺黎始聞清夜柝俄見落封泥物
色來無限津途去不迷空亭誰問馬聞戍但鳴雞山月
寒彌淨河風曉更淒贈言楊伯起非復是關西

郭利貞

郭利貞神龍中為吏部員外賦上元詩與蘇味道崔液
並為絕唱詩一首

上元

九陌連燈影千門度

一作
偏

月華傾城出寶騎
匝路轉香

車爛漫惟愁曉周游不問家
更逢清管發處處落梅花
元希聲

元希聲河南人七歲善屬文舉進士累官司禮博士預
修三教珠英景龍初進吏部侍郎集三十卷今存詩八

首

贈皇甫侍御赴都八首

東南之美生于會稽牛斗之氣蓄于昆溪有瑤者玉連
城是齊有威者鳳非梧不棲

猗嗟衆珍以况君子公侯之胄必復其始利器長材溫
儀峻峙

道心惟微厥用允塞德輝不泯而映邦國靜以有神動
而作則九臯千里其聲不忒

粵在古昔分官厥初刺邪矯枉非賢勿居稜稜直指烈
烈方書蒼玉鳴珮繡衣登車

綽綽夫君是膺柱下準繩有望名器無假寵蓋伯山氣
雄公雅立朝正色俟我能者

載懷朋情嘗接間宴好洽昆弟官聯州縣如彼松竹春
榮冬蒨柯葉藹然不渝霜霰

會合非我關山坐違離鴻曉引別葉秋飛騑驟徐動尊
餞相依遠情超忽岐路光輝

金石其心芝蘭其室言語方間音徽自溢肅子風威嚴
子霜質贈言歲暮以保貞吉

李澄之

李澄之尉氏人以五言詩名神龍中蹉跎不遇年六十
餘為宋州叅軍卒詩一首

秋庭夜月有懷

遊客三江外單棲百慮違山川憶處近形影夢中歸夜
月明虛帳秋風入擣衣從來不慣別况屬鴈南飛

李如璧

李如璧睿宗朝為御史詩一首

明月

三五月華流炯光可憐懷歸

一作君

郢路長逾江越漢津

無梁遙遙永夜思茫茫昭君失寵辭上宮蛾眉嬋娟卧

檀穹胡人琵琶彈北風漢家音信絕南鴻昭君此時怨

畫工可憐明月光腫臃節既秋兮天向寒沅有漪兮湘

有瀾沅湘糾合淼漫漫洛陽才子憶長安可憐明月復

團團逐臣戀主心愈恪棄妻思君情不薄已悲芳歲徒
淪落復恐紅顏坐銷鑠可憐明月方照灼向影傾身比
葵藿

洪子輿

洪子輿睿宗時官侍御史姜晦時為中丞諷劾韋安石
子輿不從詩一首

嚴陵祠

漢主召子陵歸宿洛陽殿客星今安在隱迹猶可見水

石空潺湲松篁尚蔥蒨岼深翠陰合川迴白雲徧幽徑
滋蕪沒荒祠暮霜霰垂釣想遺芳掇蘋羞野薦高風激
終古語理忘榮賤方驗道可尊山林情不變

冠泚

冠泚中宗朝為長安尉張仁愿在朔方奏用分判軍事
開元十三年帝自擇刺史泚由兵部侍郎出守宋州賦
詩祖餞詩一首

度塗山

小年弄文墨不識戎旅難一朝事鞞鼓策馬度塗山塗
山橫地軸萬里留荒服悠悠征旆遠駢騷一何速流月
揮金戈驚風折寒木行聞漢飛將還向臯蘭宿

吳兢

吳兢汴州浚儀人博通經史魏元忠朱敬則深器之薦
其有史才因令直史館神龍中遷右補闕與韋承慶崔
融等撰則天實錄開元中歷修文館學士居史職殆三
十年序事簡要人皆稱之出為荊州司馬以史藁自隨

蕭嵩監修國史奏取兢所撰得六十五卷累遷台洪饒
斬四州刺史天寶初為鄴郡太守入為恒王傅嘗以梁
陳齊周隋五代史繁雜乃別撰各史又傷疎略卒年八
十餘卒後其子進兢所撰唐史八十餘卷事多紕繆不
逮壯年兢家多藏書嘗錄其卷第號吳氏西齋書目詩
二首

永泰公主挽歌二首

穠華從婦道墜降適諸侯河漢天孫合瀟湘帝子遊關

昨方作訓鳴鳳自相求可歎凌波迹東川遂不流
舜華徂北渚宸思結南陽盤綬哀榮脩游軒寵悼彰三
川謀遠日八水宅連岡無復秦樓上吹簫下鳳皇

御定全唐詩卷一百一